

皇朝詞林典故

卷二十七
之二十八

PL
2548
C35
1887
V.16

MAR 24 1975

皇朝詞林典故卷二十七

恩遇

侍宴

康熙十二年六月。

上幸瀛臺。御迎薰亭。

賜諸王以下諸臣及翰林等官宴。大學士索

額圖。兵部尙書明珠。傳

諭曰。諸臣日理政務。晷無休暇。今值荷花盛
開。夏景堪賞。朕特召諸王貝勒等。及爾諸
臣同宴。以示君臣偕樂。其各盡歡。以副朕
優渥至意。大學士圖海奏曰。臣等躬逢
盛世。媿無寸長。仰酬萬一。今荷
隆恩賜宴。

天語慇懃。雖家人父子。無以踰此。於是

上率諸王貝勒等於南河登舟。各官次第於北河登舟。往來賞宴畢。諸王及各官

謝

恩出。

十八年五月。

上幸西苑泛舟。詞臣侍宴。

二十年七月。

皇朝詞林典故 卷三十一
賜內閣部院翰詹科道等宴於

瀛臺。

命侍讀學士張英同內大臣主席。又令內大

臣佟國維等傳

諭曰。內閣及部院各衙門諸臣。比年以來。辦事勤勞。今特召集爾等賜宴。因朕方駐瀛臺。卽以太液池中魚藕等物。賜諸臣共食。

之。又蒙

賜綵緞表裏。大學士率諸臣叩謝。各依次坐。

上命內大臣等以金尊

賜飲一巡。宴畢諸臣各謝

恩出。越日。詞臣各撰詩賦以獻。

二十一年正月。

上御乾清宮。宴內閣九卿及翰詹。日講官科

上諭道等九十三員。

上命學士張英。侍講高士奇傳

諭曰。向來內殿筵宴。諸臣未與。今因海內乂

安。時當令序。特於乾清宮賜宴。君臣一體。

共樂昇平。用昭上下泰交之盛。諸臣當歡

忭暢飲。以副朕懷。大學士李蔚奏曰。

特恩曠典。千載一遇。

臣

等不勝感激。奏畢分

左右班以次序進。樂作。各就位。一叩頭坐。

上進膳。諸臣乃飯。

上命各飽飫。盡量少選徹饌。更設肴核。酒觴。

既陳。大學士勒德洪至。

御前跪進酒畢。

上命大學士。尚書都御史。侍郎學士。以次至。

御座前。親賜飲。以下諸臣。俱令至。

御前賜飲。又令張玉書。張英傳。

諭曰。今日內殿嘉宴。特勅諸臣笑語無禁。諸

士命各臣奉

詔。暢飲極歡。樂奏二闋。

上復命張玉書。張英傳。

諭曰。宴畢時。諸臣可近御座前觀燈。朕更賜

以卮酒。旣徹筵。諸臣以次出。

上命羣臣有霑醉者。內官扶掖而行。復

特諭張玉書。陳廷敬。張英等曰。每見漢唐以

來。君臣同樂。有賡和之詩。今朕雖不敢效

古先聖王。亦欲紀一時之盛。可倣柏梁體

賦詩進覽。廷敬奏言。臣等草野賤士。得觀

天家景物。蒙

聖恩深厚。真明良喜起之庥。臣等身際

昌時。受

恩逾渥。但媿報稱愈難。於是廷敬等出宣

旨。羣臣奏曰。臣等敢不歌詠太平。但恐不能

賡颺

聖德。大學士李蔚言。柏梁體詩首一句。當恭

請

御製。廷敬復入奏。

上曰。明日早發。翊日廷敬等至。

宮門祇候。侍衛捧

御製詩。并詩序出。羣臣集

太和殿下。以次賦詩。凡九十三韻。比詩

成恭進。

御書詩序詩。則

皇朝詩林典故 卷三
詔詹事沈荃書之刻石。摹搨裝潢。九月九日。
賜與宴諸臣人一冊。又

賜不與宴大學士王熙。學士牛鈕各一冊。

謹案王頊齡。以編修與宴。詞林傳爲

佳話。

二十二年正月。

召大學士九卿詹事日講官科道等。

賜上元節宴於

乾清宮。宴畢諸臣謝

恩出復

特諭大學士明珠。學士張玉書。牛鈕陳廷敬
等曰。今日因上元令節。特賜卿等宴。以示
優眷。尙有馴馬內幣。令於掖門外頒賜。朕
念諸臣中。有年力衰老。不能久坐者。故夜

漏未闌。遂爾罷讌。恐口諭未悉。朕懷茲書。
諭旨一道示卿等。可傳示諸臣知之。

諭曰。從來君臣之分。雖甚尊嚴。上下之情。貴
相浹洽。常觀唐宋盛時。堂廉不隔。以成交
泰之治。卿等朝夕勤勞。出八奏對。朕心時
切嘉念。今將內廐馬匹。及滇中新到馬匹。
擇其馴良。易於控御者。頒賜卿等。加以內

紵。卿等其各承受。示朕優眷之懷。大學士
各表裏六疋。馬一匹。尙書。左都御史。表裏
五疋。馬一匹。侍郎。學士。副都御史。各表裏
四疋。馬一匹。通政使。大理寺卿。詹事。日講
官。各表裏三疋。科道。各表裏二疋。

二十三年元旦。

南書房翰林宴歸。

上復遣內侍以肴果二席各

賜於其家。

三十四年六月。

召掌院學士禮部尙書張英。戶部尙書陳廷
敬。原任都察院左都御史王鴻緒。學
士顧藻。少詹事高士奇。太常寺少卿

勵杜訥。督捕理事官胡會恩。侍讀學

士張廷瓚。侍講學士史夔。庶子孫岳。

頌同至。

暢春園。

賜食於

松韻軒復

賜食於

淵鑑齋。宴畢敬觀。

皇朝詩林典故 卷三十一
御書於

佩文齋。

賜御筆書扇。並紅白千葉蓮各一瓶。

二十五年七月。

召內廷翰林陳廷敬。張英。高士奇。勵杜訥。
賜食於西苑。

秋雲亭。並

賜法瑯鑪瓶匙箸香盒各一具。

雍正四年正月。

召大臣及內廷翰林等。

賜宴於

乾清宮。宴畢。

頒賜

聖祖御批通鑑綱目各一部。並蟒緞貂皮荷

包等物。

是年九月九日。

上御乾清宮西暖閣召

皇子諸王大學士九卿以下翰詹科道及
武大臣之能詩者九十四員賦柏梁
體詩。

欽定八庚韻。硃書黃籤。分給諸臣各一字。授

几賜坐。筆墨燦陳。酒肴並列。內侍傳
諭。今日賦詩式燕。用昭君臣一體之誼。諸臣
毋得過拘禮節。能飲者不必限以三爵。諸

臣聆

諭。方共持杯染翰。

御製先成。

命大學士張廷玉。捧示諸臣。涵蓋萬有。義蘊

皇朝詩林典故 卷三十一
精深。諸臣詩句。次第搆就。書於分韻。
黃籤進呈。

皇子。諸王。及大學士。九卿等。至。

御前進酒上壽。

上親賜

皇子。諸王。大學士。尙書。都統等。飲。

命

皇子諸王分賜諸臣飲。諸臣叩首跪飲畢。

趨候於

乾清門外。少頃復召至

乾清宮。

上陞寶座。

皇子諸王及文武諸臣分東西兩班序坐。

作樂進膳。賜食演劇宴畢。王以下諸

皇朝詩林典故 卷三十一
臣謝

恩趨出復

賜饅餅瓜果等物有差。

五年九月九日。

上御正大光明殿。

賜諸王大臣宴。及緞疋有差。并以雍正四年

重陽慶宴柏梁體詩墨刻。

賜諸王大臣及翰詹等官各一冊。

乾隆三年正月。

幸同樂園。

賜大學士九卿及內廷翰林等宴。頒

聖祖仁皇帝御批通鑑綱目各一部。及蟒緞
貂皮荷包有差。

四年正月。

召集諸王。大學士。九卿。翰詹科道等。於

乾清宮。賦柏梁體詩。

錫賚有差。

十一年八月。

諭內閣。康熙二十年七月。我

聖祖仁皇帝駐蹕瀛臺。特召大學士以下。各部院衙門官員錫宴。命內大臣傳諭慰勞。

賞賚有差。至今稱爲盛事。朕臨御以來。仰
賴

上天眷祐。海宇乂安。今歲京師雨暘應候。百
穀蕃昌。畿輔共獲有秋。各省亦多收穫。

天庥滋至。我君臣應額手慶成。今當秋風薦
爽。景物咸和。念茲宗藩瓜瓞。誼屬本支。大
小臣工。宣猷効力。宜循往典。錫之宴享。以

昭君臣一體之意。叶笙簧酒醴之歡。著於
瀛臺設宴。本月二十七日。宴王公及近支
宗親。二十八日。宴大學士。九卿。京堂。翰詹。
科道。載考古昔君臣。有賞花釣魚。宴飲賦
詩之事。諸臣內。或文學侍從。或翰墨素嫻
者。著入宴賦詩。以效賡颺喜起之風焉。二

十八日。

賜大學士九卿京堂翰詹科道等宴於

瀛臺。先是

御筆親定

涵元殿入宴者。大學士以下凡四十有

八人。

崇雅殿入宴者。又若干人。屆期。諸臣集
勤政門外祇俟。日旣升。

上御輦入

西苑門。下輦。升龍舟。列鹵簿於沙隄。鼓

吹並作。

上升隄。乘小輦入

勤政門。至

涵元殿。諸臣隨入班。樂作行禮。如大朝
儀。禮畢。諸臣以次詣席。一叩頭坐。尙

膳進茶。諸臣皆跪。

上進茶畢。侍衛以茶分授諸臣。皆跪飲。尚膳

進

御饌。承應上。陳柏梁臺賦詩故事。侍衛以饌

分授諸臣。進爵大臣捧觴

御前。諸臣皆跪。

上賜進爵大臣酒畢。

三才圖會卷三十一
召大學士訥親。張廷玉。福敏。史貽直。尙書梁
詩正。來保。阿克敦。汪由敦。哈達哈。納

延泰。侍郎傅恒。至

御前賜酒。又

召侍郎蔣溥。舒赫德。內閣學士沈德潛。

賜酒。侍衛以酒分授諸臣飲。承應止。諸臣

趨階下謝宴。行禮如初。是日也。天和

日晶。景物融暢。

上用唐李嶠甘露殿應制詩韻。

御製月字霞字二首。大學士以下分韻者凡三十有八人。復

命兩殿與宴諸臣。倣柏梁體。

御製首句。諸臣以次賡韻。詩成。內侍傳

旨。令諸臣各泛舟選勝。於是黃頭並進。錦纜

齊牽至中流復

宣大學士等。選工詩者至流杯亭聯句。於是

大學士陳世倌。及侍講學士周長發

檢討陳兆崙。編修朱荃。程景伊。朱佩

蓮。修撰金銓。偕三十八人。俱赴亭中。

內侍傳

旨。各以意坐。無拘班列。

上用十一真韻。賦起二句。又出一句。諸臣各
蟬聯對屬。每臣工五人聯畢。

上仍續四句。如是者數四。

天章絡繹。泉湧風飛。諸臣皆愧汗不能屬。謂
自古帝王。未有如此之淹雅鴻麗。天
縱神速者也。維時內侍持鈿榼。列餽
飭。清流激湍中。菡萏承杯。就所在而

皇朝詩林典故 卷二十一
分布焉。俄而不傳警蹕。

玉趾親臨。諸臣迎跪進詩。

天顏睟穆。

溫諭再三。

駕回。復遍

宣與宴諸臣。赴水亭垂釣。柔絲芳餌。錦鬣爭

飛。旣而復赴

勤政門。

賜御書文綺珍果鮮鱗。諸臣拜賜而歸。翼日。

上表謝

恩。

二十六年正月。以紫光閣落成。

上幸瀛臺。召大學士內廷翰林等茶宴。

四十七年二月。四庫全書第一部告

皇明同林典攷

卷三

恩遇

九

皇朝詩林典故 卷二十一
成。

上召總裁王大臣等九人。及纂校翰林各官
七十七人。

賜宴於

文淵閣。

命

皇子領諸臣班飲酌。

御製詩有諸子雖曾豫董事。祇當二宋速賓
陪之句。時與宴大學士嵇璜。

上追念乾隆九年十月。幸翰林院。曾叨恩寵。
閱今三十餘年。重與陪宴。

御製詩有回憶四章吟翰苑。卽今宴祇一人
留之句。宴畢。

賜諸臣如意雜佩文綺筆墨研牋石刻有差。

嘉慶七年十二月以三省底定

召王大臣及

南書房翰林等於

重華宮。

賜食和詩。

賞賚有差。

八年七月。

上以三省餘匪全清

召王大臣及

南書房翰林等於

同樂園。

賜食和詩。

賞賚有差。

謹按

皇朝詞林典故 卷三
同樂園

賜觀火戲演劇。向來詞臣未與我。

皇上特命南書房翰林與宴。渥典也。

又按

內廷翰林。每歲新正有。

重華宮茶宴。上元後有。

正大光明殿小宴。及

巡幸所至。與扈從者。例蒙

賜食。歲以爲常。且

恩從其衆。故不特書。

皇朝詞林典故卷二十七

皇朝詞林典故卷二十八

恩遇

詞科

康熙十七年正月。

諭吏部。自古一代之興。必有博學宏儒。振起
文運。闡發經史。潤色詞章。以備顧問。著作
之選。朕萬幾餘暇。游心文翰。思得博學之

士用資典學。我朝定鼎以來。崇儒重道。培養人材。四海之廣。豈無奇才碩彥。學問淵通。文藻瑰麗。可以追蹤前喆者。凡有學行兼優。文詞卓越之人。不論已仕未仕。令在京三品以上。及科道官員。在外督撫布按。各舉所知。朕將親試錄用。其餘內外各官。果有真知灼見。在內開送吏部。在外開報。

督撫代爲題薦。務令虛公延訪。期得真才。以副朕求賢右文之意。於是大學士李蔚等薦原任副使曹溶等七十七人。

上命俟各員赴部齊集之日請旨。其在外現任者不必開缺。是年十一月大學士承

旨。令戶部酌議貼給俸廩并薪炭銀兩。按月稽領。十八年三月初一日。

御試博學宏儒一百四十三人於

體仁閣

賜宴時陪宴者吏部尙書二員。掌院學士二員。

欽命題璿璣玉衡賦。省耕詩。五言排律二十韻。旣納卷。

命大學士李蔚。杜立德。馮溥。掌院學士葉方

藹閱卷進呈。

御定一等彭孫遹等二十人。二等李來泰等
三十人。俱令纂修明史。其作何分別
授職。及未取人員內有年老者。作何
量給職銜。俱下部議。尋議上。

上命閣臣取前代制科舊例來閱。閱畢。
上乃降旨。薦舉取中人員俱授爲翰林院官。

應給職銜者。再議具奏。其杜越。傅山。王芳
穀等。文學素著。念其年邁。從優加銜。以示
恩榮。於是吏部復議已仕者。俱照級授侍
讀。侍講。至編修等官。未仕者。概授檢
討。纂修明史。杜越等。俱授內閣中書。
聽其回籍。從之。其各員中。選名第先
後。及擢授官階等差。詳見題名卷中。

雍正十一年四月。

諭內閣。國家聲教覃敷。人文蔚起。加恩科目。
樂育羣才。彬彬乎盛矣。朕惟博學宏詞之
科。所以待卓越淹通之士。俾之黼黻皇猷。
潤色鴻業。膺著作之任。備顧問之選。

聖祖仁皇帝康熙十七年

特詔內外大臣。薦舉博學宏儒。召試授職。一

時名儒碩彥。多預其選。得人號爲極盛。迄
今數十年來。館閣詞林。儲材雖廣而宏通
博雅。淹貫古今者。未嘗廣爲搜羅。以示鼓
勵。自古文教休明之日。必有瑰奇大雅之
才。況蒙

聖祖仁皇帝六十餘年壽考。作人之盛。涵濡
教澤。薄海從風。朕延攬維殷。闢門籲俊。敦

崇實學。諭旨屢頒。宜有品行端醇。文才優
贍。枕經。茹史。殫見洽聞。足稱博學宏詞之
選者。所當特修曠典。嘉予旁求。除現任翰
詹官員。無庸再膺薦舉外。其他已仕未仕
之人。在京著滿漢三品以上。各舉所知。彙
送內閣。在外著督撫會同學政。悉心體訪。
遴選考驗。保題送部。轉交內閣。務期虛公。

詳慎搜拔真才。朕將臨軒親試。優加錄用。
廣示興賢之典。茂昭稽古之榮。應行事宜。
著大學士九卿會議具奏。十三年二月以
直省奏薦人員尙少。復

敕內外大臣廣行遴選。十三年十一月

高宗純皇帝諭內閣。國家久道化成。人文蔚
起。

皇考樂育人材。

特降諭旨。令直省督撫及在朝大臣。各保舉博學宏詞。以備制作之選。乃直省奉

詔已及二年。而所舉人數寥寥。朕思天下之大人材之衆。豈無足膺是舉者。一則各懷慎重觀望之心。一則鑑衡之明。視乎在己之學問。或已實空疎。難以物色流品。此所

以遲回而不能決也。然際此盛典。安可久稽。朕用再爲申諭。凡在內大臣。及各省督撫。務宜悉心延訪。速行保薦。定於一年之內。齊集京師。候旨廷試。倘直省中實無可舉。亦卽具本題覆。乾隆元年二月。

諭內閣。內外臣工。所舉博學宏詞。聞已有一百餘人。祇因到京未齊。不便卽行考試。其

赴考先至者。未免旅食艱難。著從三月爲始。每人月給銀四兩。資其膏火。在戶部按名給發。考試後停止。若有現任在京食俸者。卽不必支給。并行文外省。令未到之人。俱於九月以前到京。若該省無續舉之人。亦卽報部知之。免致久待。尋大學士等奏。

保舉博學宏詞一百七十六人。應照

康熙十八年例行。至期赴

太和殿前考試。

上以天氣漸寒。著於保和殿內考試。九月二十
十六。二十八二日。

御試保和殿。

賜宴。

欽命第一場題。五。六。天。地。之。中。合。賦。以。敬。授。

民時聖人所先爲韻。賦得山雞舞鏡
詩。七言排律十二韻。得山字。黃鍾爲
萬事根本論。

欽命第二場題。

制曰。儒者之學。莫尙於窮經。經籍浩繁。毋煩
臚舉。今試撮其大綱。凡通儒所宜共曉者。
爲多士詢焉。經之名昉於何時。五經六經。

七經。九經。十一經。十三經之名。分於何代。

秦燬雖烈。而不能掩其光者。藏於何人。所

藏何書。其後出於何地。獻於何朝。頒於何

世。各經授受源流。何所依據。章句註疏。傳

解箋詁之屬。有何異同。其施諸學宮。用以

取士者。何所因革。又如古有三易。夏何以

稱連山。殷何以稱歸藏。周何以稱周易。且

連山不始於夏。歸藏不始於殷。周易不始於周。其說可得聞歟。傳周易者有四家。其興廢可得考歟。書何以有古文今文之別。詩何以有齊魯韓毛之殊。春秋左氏公穀而外。又何以有鄒氏夾氏鐸氏虞氏之類。諸家分門別派。其說可悉數歟。禮始於高堂生。顯於后蒼。其轉相傳述者誰歟。二戴

何刪。馬氏何補。冬官何闕。儀禮何逸。羣儒
議論紛紜。其說可詳。陳歟。論語何以有魯
論。齊論。大學孝經何以有古本。今本。爾雅
或曰周公作。或曰子夏作。其說何居。孟子
何以或刪。或疑。或翼。或尊。何其識之相遠。
歟。惟中庸無異說。而學庸二篇。原皆載於
戴記。其別爲詮說。而列於四書者。自何而

始歟。凡此經傳源委。其能條分縷析。闡其
微言。抉其奧義。而銖黍之不爽歟。漢唐以
經學取士。或專通。或兼通。或帖十通五。皆
得與選舉之格。多士果能博學該通。條對
精詳。斷制明決者。固膺上第。卽或就所已
知。各抒所見。而言有條理。詞歸雅馴。亦足
以備採擇。其悉言無隱。朕將親覽焉。

制曰。儒者學術之要。先經次史。凡具淵通之學。必擅著作之材。然非熟於掌故。周知上下數千載之事理。而剖決其是非者。不足以語此。則史學尙矣。今之稱正史者。皆曰廿一史。豈廿一史之外。別無正史歟。又豈正史之外。別無他史歟。考之漢唐宋藝文志。及隋經籍志。所載諸史。其名類甚多。而

稱史學者。惟以班馬諸人爲宗。何歟。史記
漢書。成於遷固。不自遷固始也。開之者誰。
補之者誰。註解之者又誰。范史一書。與馬
班並稱三史。而袁宏荀悅之作。獨不可媿。
美歟。陳壽之志。帝魏退蜀。正統已紊。孰稱
其是。孰正其非。可與三史並傳歟。卽三史
之書。又果無遺憾歟。晉書創於何人。共有

三史言行錄卷二十八
幾家。唐太宗命房喬等再加撰次。其稱房
喬者何人也。其稱房喬者又共幾人也。觀
其文多駢麗。史體固應然歟。南北史皆成
於李延壽。而考之南朝北朝。各有專史。乃
延壽復爲合之。合者可取。則專者宜刪。專
者旣行。則合者可廢。而八書二史皆得並
行。辭多重複。後之作者。獨不可彙而修之。

歟。六朝之後。隋書頗善。其所撰諸志。綜覈尤工。近世儒者。專稱五代史。而不及隋書。又何說也。唐書新舊二編。各有短長。自新書出而舊書流布無多。不得並載。十七史中。其故何歟。梁唐晉漢周皆有史。薛居正嘗修之。歐陽氏之本誠善矣。而薛氏之本猶可得見歟。宋遼金三史。已不及前代。而

元史成於倉猝舛謬尤多。乃後儒罕能刪定以成佳史。豈古今人果不相及歟。且史之體有二。曰編年。曰紀傳。紀傳之善。自司馬遷史記始。而編年之善。則自司馬光通鑑始。通鑑本春秋之法。至朱子則綱仿春秋。目仿左氏。而前編續編之作。亦皆得其遺意。此外體例甚繁。沿革互異。作史者奚

啻數百家。多士有能悉數其姓氏。詳其名目。以證其是非者歟。將備舉作者之優劣。以考正諸史之得失。則一代著作之任。殊有厚望焉。毋剿說。毋雷同。毋苟且以干名。毋徇人以自誤。有志進取者。尙慎旃哉。其各矢乃心。獨抒所見。以毋負朕延訪之至意。越日。

命大學士鄂爾泰。張廷玉。吏部侍郎邵基。閱
卷。擬取一等五人。二等十人。

上親加裁定。令分別授職。於是大學士等察
例以聞。一等劉綸等五人。均授翰林
院編修。二等楊度汪等十人。內由科
甲出身者。授翰林院檢討。餘授翰林
院庶吉士。十月初五日引。

見養心殿。

賜御製日知薈說人各一部。二年七月十一。

十三二日。

御試被薦續到博學宏詞於

體仁閣。

賜宴。

欽命第一場題。

制曰。士不通經。不適於用。治經之學。於民生
本務。先王體國經野之宜。尤所當考詳而
切究者。周禮九職。首列三農。所謂三農者。
以地別耶。以人別耶。其各見於注疏者。同
異若何。禹貢之三壤。周禮之再易。爾雅亦
曰三田。又何所稱指也。上農夫食九人。下
至五人。又何差別之殊也。夫通勞逸而人

力可均。畫井疆而地利先辨。井田五義。見於何書。條目若何。五地九士九地九田九等十二土。分見於何書。其條目若何。多士剖析言之。無泛無隱。朕將親覽焉。

制曰稽古碩儒名臣。嘉猷讜論。彪炳方策。畧舉數端。聊用咨詢。夫六籍之微言。無論已。三本六務三具四齊。其說維何。賢良三策。

鼂董不同者焉。在言世務書。嚴徐所見者。孰優。仲長統之稱政論。申鑑之詳政體。其言可采者。皆得而敷陳歟。嗣是而後。莫切於十思之疏。五規之論。至以十事陳說。唐宋諸臣不一而足。何人何事。孰爲得失。可得而論述臚列歟。伊川言先務。紫陽言大本。純儒之學。異於管荀諸人者。又何在也。

多士數其辭。陳其義。能條對者。朕嘉與之。
欽命第二場題。指佞草賦。以生於堯階有佞。
必指爲韻。賦得良玉比君子詩。七言。
排律十二韻。得來字。復見天心論。

命大學士張廷玉。尙書孫嘉淦。閱卷。

御定一等萬松齡。一人授檢討。二等朱荃等。
三人。各授檢討。庶吉士。如元年例。並。

詳題名卷中。

謹按唐書選舉志云。天子自召者曰
制舉。凡選未滿而試文三篇。謂之宏
詞中者。卽授官。又按宋史云。紹聖初。
置宏詞科。歲許進士及第者請試。如
見守官則受代。乃請試。章表露布檄
書用駢體。頌箴銘誥序記用散體。

或駢儷。凡試二日四題。取毋過五人。
大觀四年。改置詞學兼茂科。取毋過
三人。政和增爲五人。不試檄書。增制
誥。以歷代史事借擬爲之。中格則授
官職。紹興三年。改博學宏詞科。凡十
二題。制誥詔表露布檄箴銘記贊頌
序內雜出六題。分三場。每場一古一

今拔其尤者定爲三等。上等轉一官。
選人改秩。無出身人。賜進士及第。除
館職。中等減三年磨勘。與堂除。無出
身人。賜進士出身。下等減二年磨勘。
無出身人。賜同進士出身。并許召試
館職。嘉熙三年。臣僚請從舊三歲一
試。惟取合格。不必拘額。去宏博二字。

止稱詞學科。我

朝作人之化。曠古爲昭。陶淑百年。再逢

盛事。備書典制。用志

恩榮。

經學

乾隆十四年十一月。

諭。聖賢之學。行本也。文末也。而文之中。經術

其根柢也。詞章其枝葉也。翰林以文學侍從。近年來。因朕每試以詩賦。頗致力於詞章。而求沈酣六籍。含英咀華。究經術之闡奧者。不少槩見。豈篤志正學者鮮歟。抑有其人而未之聞歟。夫窮經不如敦行。然知務本。則於躬行爲近。崇尚經術。良有關於世道人心。有若故侍郎沈德潛。學有本源。

雖未可遽目爲鉅儒。收明經致用之效。而視獺祭爲工。剪綵爲麗者。迴不侔矣。今海宇昇平。學士大夫。舉得精研本業。其窮年矻矻。宗仰儒先者。當不乏人。奈何令終老牖下。而詞苑中寡經術士也。大學士九卿外。督撫其公舉所知。不拘進士舉人諸生。以及退休閒廢人員。能潛心經學者。慎重

選訪務擇老成敦厚純樸淹通之士以應
選勿濫稱朕意焉。

十六年閏五月。

諭朕降旨令九卿督撫薦舉潛心經學之士。
雖據大學士等核覆調取來京候試。現在
到部。尙屬寥寥。但觀此番內外諸臣保舉。
尙未能悉朕意。蓋經術爲根柢之學。原非

徒以涉獵記誦爲能。朕所望於此選者。務得經明行修。淹洽醇正之士。非徒占其工射策。廣記問。文藻詞章。充翰林才華之選而已。亦非欲授以政事。責其當官之效。如從前各保一人故事。此朕下詔之本意也。在湛深經術之儒。原不必拘拘考試。若如內外所舉。既有四十餘人。卽云經術易明。

安得如許積學未遇之宿儒。其間流品。自
不無混淆。豈可使國家求賢之盛典。轉開
倖進之捷徑。勢不得不慎重考試。以甄別
之。間有素負通經之譽。恐一經就試。偶遇
僻題。必致重損夙望。因而託詞不赴。以藏
拙爲完名。苟如此用心。已不可爲醇儒矣。
其安所取之。然此中實有年齒衰邁。不能

跋涉赴考者。伏勝年九十餘。使女孫口授遺經於鼂錯。其年豈非篤老。何害其爲通儒。此所舉內。果有篤學碩彥。爲衆所真知灼見。如伏生之流者。卽無庸調試。朕亦何妨降旨。問難經義。或加恩授以官階。示之獎勵乎。著大學士九卿。將現舉人員。再行虛公覈實。無拘人數。務取名實相符者。確

舉以聞。如果衆所共信。卽可不必考試。若
仍迴護前舉。及彼此瞻徇。則尤重負朕尙
經學求真才之意。獨不畏天下人訾議。與
後世公評耶。大學士九卿等覆奏。從前內
外諸臣所保人員。公同會核。大半未
能熟知深悉。殊少衆所共推之人。此
內惟陳祖范。吳鼎。梁錫璵。顧棟高等。

四人多有知其平素品行端謹。留心
正學者。雖未敢遽謂湛深經術。足以
追蹤曩哲。上稱

明詔。而就數十人中。詳加較量。允屬潛心經
學之士。得

旨。保舉經學之陳祖范。吳鼎梁。錫璵。顧棟高。
既據大學士九卿等公同覆核。衆論僉同。

其平日研窮經義。必見之著述。朕將親覽。之以覘實學。在京者。卽交送內閣進呈。其人著該部帶領引見。在籍者。行文該督撫就取之。朕觀其著述。另降諭旨。或願赴部引見。或年老不能進京者。聽其著述不必另行繕錄。致需時日。啟勦襲。猝辦。贗鼎混珠之弊。旋吳鼎進象數集說一部。集說附

錄一部。春秋四傳選義一部。易堂問目一部。考律緒言一部。梁錫璵恭進易經揆一一部。六月吏部帶領吳鼎梁錫璵引

見得

旨。吳鼎梁錫璵俱以國子監司業用。葉酉現出學差。遇有中允贊善缺出補授。張九鎰

皇朝詞林典故 卷二十八
不必署理司業。其原缺。卽著吳鼎補授。梁
錫璵亦著授爲司業。一體食俸辦事。不爲
定員。鼎錫璵謝。

恩。

特賞官紗。

召對於

勤政殿。面奉

諭旨云。汝等以經學保舉。朕所以用汝等去教人。大學士九卿公保汝等。是汝等積學所致。不是他途倖進。鼎錫興

奏_臣等草茅下士。學識荒陋。蒙

皇上格外

天恩。_臣等不勝惶恐。復奉

聖訓云。窮經爲讀書根本。但窮經不徒在口

耳。須要躬行實踐。汝等自己躬行實踐。方能教人躬行實踐。鼎錫璵頓首祇謝。是月。

又

諭吳鼎。梁錫璵。所著經學。著派翰林二十員。中書二十員。在武英殿各繕寫一部進呈。原書給還本人。所有紙札飯食。皆給之於官。著梁詩正。劉統勲。董理其事。尋九卿等

奏陳祖范顧棟高衰病不能供職得

旨俱授司業銜。

皇朝詞林典故卷二十八



